

佛說大灌頂神呪經卷第六

恭六

東晉西域三藏帛尸梨蜜多羅譯

灌頂塚墓因緣四方神呪經第六

聞如是一時佛在鳩尸那城臨欲滅度千二百五十比丘及餘弟子無央數衆諸菩薩僧數千萬億諸天龍神四方人民悉來集會於

一

時末利伽五百人等同聲合掌竊問阿難如來涅槃云何殯葬賢者阿難即持此言胡跪合掌請問佛言如來般涅槃後云何殯葬五百末利伽及諸信心居士欲知此事惟願分別爲我說之令諸弟子末利伽等當得處所具諸儀式與世間人令有差別

方人思慕正法學我遺言精勤苦行晝夜不廢可得至道涅槃之樂

賢者阿難因問佛言閻浮提界有幾種葬法爲今現在及未來衆生重更問耳佛語阿難葬法無數吾今當爲略說少事示現未來諸衆生也我此國土水葬火葬塔塚之葬其事

恭六

二

佛告賢者阿難汝可語諸末利伽及信心居士我葬之法如轉輪聖王法則無異賢者阿難復白佛言轉輪聖王葬法云何佛語阿難轉輪聖王命終之時王后太子諸臣百官用鏤車乘飛天仙人以爲莊嚴衆妓鼓樂鐘鈴鮮潔白疊三百餘端以纏王身擣細抹香以塗王身有三種棺第一棺者紫磨黃金第二

棺者以鐵爲櫬第三棺者栴檀雜香以是三棺盛持王身灌以酥油香薪燒之火盡以後收取骨末於四衢道頭淨路之處起于塚塔表刹高妙四十九尺以五色雜綵爲幡号令四方人民見者悲喜思王正治率化臣下我今聖王般涅槃後欲爲葬法亦復如是令十

莊嚴山林樹木鬱鬱行行相對無虧盈者墳
柏茂盛碑闢儼然人民見者莫不歡欣

佛告阿難震旦國中又有小國不識真正無
有禮法但知殺害無有慈心三聖教化遺言
不著至吾法沒千歲之後三聖又過法言衰
薄設聞遺法不肯信受但相侵陵爭于國土

欲滅三寶使法言不行破塔滅僧真言無用
佛又語阿難震旦邊國諸小王輩所領人民
不知有法不識真正言語難了無有音韻命
終已後欲塋之時棺槨盛持內著巖石室窟
之中疾病之日開看骸骨洗浴求福使病得
愈又有衆生命終已後無有擰棺取其屍骸

置高閣上疾急之日下屍呪願以求福祐

佛語阿難是諸衆生不了塋法三聖教化遺
言不著故使然也我法中學欲修福時應當
精進修行六度布施持戒忍辱精進一心智
慧守行十善可得生天漸向無上正真道也
不如外道殺生禱祀邪見修福洗浴屍骸以

求解脫無有是處

佛又語阿難此諸愚人不知修福殺衆生命
喫諸邪妖魍魎鬼神求覓福德不能得也應
當燒香散衆名華禮敬十方三世諸佛爲過
命者悔過衆罪可得解脫憂苦之患

阿難又問佛言若人命終送著山野造立墳

塔是人精魂在中以不佛言阿難是人精魂
亦在亦不在阿難又問云何亦在亦不在佛
言阿難其魂在者若人生時不種善根不識
三寶而不爲惡無善受福無惡受殃無善知
識爲其修福是以精魂在塚塔中未有去處
是故言在阿難又言不在云何佛言阿難魂

不在者或其前生在世之時大修福德精勤
行道或生天上三十三天在中受福或生人
間豪姓之家封受自然隨意所生又言不在
或其前生在世之時殺生禱祀不信真正邪
命自活詭僞欺人墮在餓鬼畜生之中備受
衆苦經歷地獄故言不在塚塔中也佛語阿

難又言在者或是五穀之精骨末朽爛故有微靈骨若糜爛此靈即滅無有氣勢亦不能爲人作諸禍福靈未滅時或是鄉親新命終人在世無福又行邪詭應墮鬼神或爲樹木雜物之精無天福可受地獄不攝縱誕世間浮遊人村既無天餚恐動於人作諸變怪扇

動人心或有妖邪之師倚以爲神覓諸福祐欲得長生愚癡邪見殺生祠祀死入地獄餓鬼畜生無有出時可不慎之

佛語阿難吾現王宮出生之時無量無邊恒沙衆生見我身者喜躍無量各隨本願悉得道跡吾得道時遍化諸國婆羅門居士在所人衆無不受道降爲弟子無憍慢心今以周訖於此娑羅雙樹之間欲取涅槃使遺囊盛身舍利起諸塔廟用爲饒益諸衆生故佛語阿難我今於此大衆之中廣說舍利福德曰緣此舍利者雖如麻米各有威神我滅度後若有善男子善女人等至心思念欲起塔寺

專心一意思念舍利舍利爲感便得起塔以爲供養遂其本心不違本願故言舍利雖如麻米大有威神若有善男子善女人等起于塚塔亦感四天三十三天兩天細末種種雜香以用供養散此塔上緣此功德長得值佛不墮八難積功累德至成正覺

佛又語阿難我滅度後不但末利伽香姓婆羅門及八大王摩伽陀等起諸塔廟當有阿育王於吾滅後在此閻浮以是舍利一日之中起于八萬四千塔廟我涅槃後舍利之骨於閻浮提廣作佛事

爾時如來說是塚塔垂欲周訖釋種童子從外而來往詣世尊脫屣却蓋五體投地胡跪合掌問訊世尊起居增損佛問釋種童子從何而來身蒙塵土顏色憔悴何所憂愁狀似怖慄釋種童子而白佛言我今暫至塚塔之上朝拜先亡瞻視山野忽爲鬼神之所娆亂是故恐怖戰掉如是我今歸命於佛世尊施

我法術令身安寧及餘一切無量衆生皆令離苦得安隱樂不爲鬼神之所燒亂佛語童子汝今日來此大衆中始爲機會五百末利伽及賢者阿難適問於我塚塔因緣始竟於今會汝復請法術妙義汝當一心信受諦聽佛語童子一切塚塔皆有善惡鬼神之衆釋

恭六

五

種童子又白佛言塚塔之中何故有此善惡鬼神佛言童子如我塔者有真身舍利在此

塔中四王諸神三十三天不問晝夜雨細末香散衆名華以用散灑塚塔之上作天妓樂以爲供養又有善神摩醯首羅摩尼跋陀修利訥陀八部鬼神五羅鬼神鬼子母神五百

兒子不問晝夜常現威神以爲護念我之塚塔不令邪惡異鬼神輩及惡衆生外道邪見欲毀壞者不令侵壞我之塔廟若有惡心來向此塔是諸鬼神以其神力塞諸惡心使惡衆生輩頭破作七分

四輩弟子學諸異道符書禁呪用爲消伏不歸正法七者我法將沒當值惡王毀滅吾法破塔滅僧表刹不現當知吾法出千歲時災變如是釋種童子復白佛言凡夫塚塔何故有此諸鬼神輩而來依附佛答童子我已先說凡夫塚塔有精靈者皆是五穀之精妖魅

無侵毀者九百歲時諸比丘輩不修齋戒設有修時但相嫉妒貪人利養不肯至心求吾真道於是塔廟小當毀壞護塔善神威勢轉少若出千歲當有比丘樂習兵法附近國王及諸王子輔相臣民以毀吾法因是以後當遇惡心斷滅吾法塔像毀壞無有神驗當知

善神不復營護故使毀壞無人遮制是故當知我之法化於是漸滅

佛告釋種童子吾滅度後所以塚塔毀壞者有七事一者善神不復營護二者吾法將自欲滅三者惡比丘輩互爲非法四者不行戒律破犯所受五者更相毀謗以破吾法六者

幻化或橫死之鬼無所附著依以爲靈或是
樹木山林之精既無飲食往來人間作諸變
怪恐動於人凡夫衆生聞見之者即便設福
謂之爲神釋種童子又白佛言當以何物而
禁制之斷絕邪惡使精魅消滅毒氣不行得
吉祥福

恭六

六

佛語童子汝當誦聽專心念之吾有無上灌
頂章句消滅鬼魅使魔無敢當者汝當誦念
憶持莫忘童子問佛何等是也佛告童子誦
聽誦受灌頂章句其名如是

摩摩拘拘婁婁羅羅 毗毗婁婁羅羅

旃陀那迦摩世致 迦尼延豆尼延豆波那

櫛 嘴呼奴奴提婆蘇暮 摩頭邏支多羅

斯那 乾沓波那羅王闍尼沙 尸呵無蓮
陀羅 鼻波蜜多羅樹塵陀羅 那闍尼訶

升浮樓 輸支婆遮婆

佛告童子今我已結東方天王提頭賴吒所
領乾沓婆等九十一子爲諸凡夫而演說之

汝當告諸四輩男女塚塔所在誦是章句東
方魅魔自然消散不復害人獲吉祥福
阿醯那陀瑟那頭 毗舍離婆呵帶叉
蛇婆提提歌毗羅 帝婆婆呵若黎耶
迦毗羅攝婆那伽 阿陀伽摩天提伽
伊羅婆陀摩阿那伽 比摩那伽多嚩陀

恭六

七

餘那伽羅閣婆呵婆阿叉
提婆提羅帝毗收大迹闍

毗呵四婆寧阿婆四 質多羅速和尼那求

阿樓由那伽羅唎呵四
修跋羅薩帝奴阿伽佛陀灑

佛告童子我今結是南方天王毗婁勒叉灌

恭六

頂章句伏諸惡龍吐毒害人今已結竟令諸
惡龍攝取毒氣使不得行塚塔之處有灾怪
時應當說是灌頂章句即能辟除山海毒氣
還其處所不能爲害

堦地跋聞呵諦 三物第呵脩羅阿失陀
婆延地婆三婆四 伊第阿陀提婆摩天地

伽黎妙摩呵祕摩 阿脩羅陀那祕羅陀
鞞摩質兜樓 無夷連郵婆

修質諦餘婆羅呵黎
舍梨阿細跋黎弗多羅

鞞鞞樓耶那那迷 薩那迷端婆梨細如
革黎醯際提豫婆由多他羗

佛告童子我今結是西方天王毗婁博叉所

領鳩槃茶鬼使攝精魅喜燒人鬼使斂毒惡
不害於人令得吉祥無諸惱患惡魔等侶山
精雜魅隱藏不現

跋婁兔婆尼世帝蘇彌耶貪呵頭

彌多羅婆伽羅那移婆阿羅婆摩天梯與陀
舍提舍伽伽子薩那難多羅婆跋那

伊地婆那陀阿醯乾大比丘那婆米弟婆尼
鞞弩提步舍伽利阿醯地勇迷那刹帝餘富
羅息幾大阿陀曼陀羅鞞栴大蘇婆尼捐提
婆阿陀栴富羅翅大
佛告童子是爲北方灌頂章句毗沙門天王
所領鬼神乾闥婆等山精雜魅往來人所作

諸變怪應當說是灌頂章句精魅惡魔不能
爲害

佛告童子我今於此大衆之中臨滅度時說
是塚塔因緣譬喻令諸四輩各得其所若諸
賢聖四道果人及諸凡夫塚塔之處皆應說
是灌頂章句護於四方不令他餘精魅鬼神
善死惡死橫死鬼神之所附著燒香供養於
塚塔上向是四方說章句時諸鬼魔輩各自
馳散隱藏不現無有勢力不得男子女人之
便釋種童子復白佛言今日世尊已說塚塔
因緣之福甚喜無量令諸衆生得設供養舍
利流布於閻浮提廣作佛事善哉世尊佛之

恭六

舍利威神如是我等今日快得供養及未來
世諸衆生輩皆亦復然廣設供養以爲軌則
佛語童子諸賢聖塔盡有善神四大天王龍
神八部晝夜愛敬而無休息常共守護不令
毀壞凡夫塚塔無善神護有諸山精雜魅鬼
神之所附著依因假託覓人飲食亦復能作

種種變化恐怖凡人愚者惶怖謂之爲神汝當正心莫效凡人以邪爲正以魅爲神汝當憶念我之所說灌頂章句無上揔持大神呪經若有恐怖遊行塚墓爲諸邪鬼燒亂汝者即當說是灌頂章句諸魔魅輩即當破散馳走而去

佛告童子汝與阿難於我滅後當廣宣流傳此塚塔因緣普使聞知佛語童子若人面值於我以種種供養無所乏少不如有人於我滅後以此灌頂十二部神呪揔持之王示於人民令其讀誦其福勝彼百千萬分不及一也我結是灌頂無上章句十二部要雖不同

時然欲利益無量無邊邪見衆生學習之者捨諸邪見積功累德漸得至佛

佛告童子我說是語時三十三天皆讚善哉釋迦如來乃能憂念閻浮提人說種種法以用化導諸衆生故我等咸喜即以天華而散佛上及諸大衆無不見者佛說經竟比丘僧

比丘尼清信士女無央數衆諸菩薩衆不可稱數蜎飛蠕動亦不可計天龍八部無不歡喜阿難整服更問世尊向所說者塚塔因緣及此四方灌頂章句更無異号佛言如是大會聞法靡不歡喜釋種童子禮佛而退

佛說大灌頂神呪經卷第六

恭六